

ERASOAK

Erredakzioa | DONOSTIA

PAN Palestinako Aginte Nazionalak uko egin zion atzo Israelen azken egunetako atentatuaren erantzule izaten jotzen dituen 30 ekintzaile palestinar atxilotzeko emandako 12 orduko epeari. «Emaizari izango ez duten Israelen mehatxuak errefusatzeko ditugu», adierazi zuen PANeko Informazio ministro Saeb Ere-katek. 12 orduko epea emateko erabakia Israelgo Atzerri ministro Shimon Peresek eta PANeko presidentea Jasser Arafatek telefonoz hitz egin ostean hartu zuen Tel Avivek.

Astelehen eta asteartean Israelgo Armadak Gaza eta Zisjordanian aurka egindako bonbardaketa handiek ekintzaileak atxilotzea eragotzi ziotela eta denbora gehiago behar zuela esan zion Arafatek Peresi. Igandetik hona Jihad Islamikoa eta Hamas erakundeetako 130 ekintzaile atxilotu ditu PANek, eta hamabi orduko epean bere indarrei hori egin ahal izan dezaten mugitzeko askatasuna emango ziela agindu zion Peresek Arafati. Hala ere, ez da argitu epe horretan Israelen bonbardaketak etengo dituen.

Atzo ez zen mota horretako erasorik izan, eta, hala, aurreko egunetan bertan behera utzi zituzten ahalegin diplomatikoei heldu zieten nazioarteko ordezkariak berriro. Saio horiek aurrera egiten zuten bitartean, ordea, beste atentatu suizida bat izan zen Jerusalem. Jihad Islamikoa erakunde palestinarreko kide batek aldean zeraman lehegailua zartarazi zuen hotel baten aurrean, eta bi israeldar arin zauritu ziren.

Menia bermatzeko bilkurak

Duela astebete Ekialde Hurbilean iritsi zen AEB Ameriketako Estatu Batuetako ordezkari berezi Anthony Zinni bertan geldituko zela eta bi aldeekin bilduko zela jakinarazi zuen Estatu Departamenduak atzo. Israelen eta PANek irailean hitzartutako su-etena bermatzea da Zinniren xedea. Atzo bertan Arafatekin bildu zen, Zisjordanian Ramala hirian.

Ez da argitu hamabi orduko epean Israelen Gaza eta Zisjordanian aurkako bonbardaketak etengo dituen

ATENTATU SUIZIDA

Jihad Islamikoko kide batek aldean zeraman lehegailua zartarazi du hotel baten aurrean, eta bi lagun arin zauritu dira

Menia errespetatzeko eskatu zuten atzo PANeko presidenteari erakunde palestinar guztiei. Hamas eta Jihad Islamikoak, ordea, Intifadarekin eta atentatuarekin segitzeko deia egin zieten beren jarraitzaileei.

EB Europako Batasuneko ordezkari Miguel Angel Moratinos ere agintari israeldar eta palestinarrekin bildu zen atzo. Zinnik, Moratinosek, Errusiako ordezkari berezi Andrei Vdovinek eta NBE Nazio Batuen Erakundeko Terje Larsenek bilkura egin zuten herenegun, krisiari irtenbidea emateko bideak aztertzeke. Jasser Arafati ekintzaileak atxilotzeko ahalegin handiagoa egiteko eskatu zioten laurak bileraren ostean.

Hala ere, Israelen PANen aurkako erasoek egoera konpontzeko ez zutela balio eta bere azpiegiturak suntsituta Arafatek atentatuaren erantzuleen aurka egiteko gaitasun guxtiago izango zuela ohartarazi zioten NBEko, Errusiako eta EBko ordezkariak Tel Avivi. Era berean, Israeli erasoak eteteko eskatzea proposatu zuten.

Egiptoko presidentea Hosni Mubarak ere goi mailako ordezkari bat bidali zuen atzo Ekialde Hurbilean. Israeli PANeko presidenteari bizia arriskuan ez jartzeko eta bonbardaketak eteteko eskatzea zen haren bisitaren xedea.

«Ekintza terroristak amaitzen ez diren bitartean Israelen ezin du parte hartu negoziazioetan», ohartarazi zuen AEBetako presidentea George W. Bush atzo.



THOMAS COEX / EPA

ATENTATU SUIZIDA. Ikertzaile talde bat, atzo Jihad Islamikoa erakunde palestinarreko kide batek aldean zeraman lehegailua zartatu zuen lekua aztertzen. Bi israeldar arin zauritu ziren ekintza horretan.

PANek uko egin dio Israelen 30 ekintzaile atxilotzeko emandako 12 orduko epeari

Bi aldeetako agintariekin bildu dira EBko eta AEBetako ordezkari bereziak, Jerusalem beste atentatu suizida bat izan den egunean



MOHAMMED RAWAS / EPA

AHALEGIN DIPLOMATIKOAK. Palestinako Aginte Nazionalen presidentea Jasser Arafat (eskuinean), eta Europako Batasuneko ordezkari berezi Miguel Angel Moratinos, atzo Zisjordanian egindako bileran.

Ariel Sharonen batasun nazionalen gobernuan jarraituko dute laboristek

Agentziak | JERUSALEM

Israelgo Alderdi Laboristak batasun nazionalen gobernuan jarraitzea erabaki zuten atzo, Ministroen Kontseiluak herenegun PAN Palestinako Aginte Nazionalaren aurka hartutako erabakia zela-eta koalizioa uztea aztertutako ostean. Ariel Sharon lehen ministro eskuindarraren

kabinetea osatzen duten ministro laborista gehienek erabaki horrekin bat egin zuten alderdiak atzo egindako bileran.

Gobernua uzteko asmorik inoiz ez zuela izan esan zuten Shimon Peres Atzerri ministro laboristak alderdikideei atzo. Sharon presionatzeko koalizioan krisi gehiago ez pizteko exijitu zioten minis-

troetako askok Peresi. Legebiltzarreko kide laboristak izan ziren Gobernua uzteko presio handiena egin zutenak, koalizioan jarraitu nahi zuten ministroen aurrean.

Koalizioa osatzen duten alderdi eskuindarrenekin bat egitea egotzi diote laboristek Sharoni. Parlamentariak hori zela-eta Gobernua uztea eskatu zuten atzo alderdiaren bilkuran. Boterea eskuindarren esku uztea arriskutsua zela, eta egokiena koalizioaren barrutik Sharonen politika aldatzen saiatzea zela argudiatu zuten ministroek, ordea.



EUSKO JAURLARITZA
GOBIERNO VASCO

Kultura Sailak diruz lagundutako egunkaria